

Te glasinel pe

Biribe ko 9-to septembar 2018.

Aždahar glasinea ko biribe bašo parlamenti, komuna – hem oblasno uprava.



Koj šaj te glasinel?

Kaj te šaj te ovel džikas pravo (hako) glasibaske tegani manuše mora te ovel pherde 18 berš hemkasno ko izboreskoro dive. So terdžola ko tle registriribaskere podatke kori so sian prijavimo ko palune 30 divesa odova odlučinela dali isi tut pravo te glasine hem ko savo biribaskoro than tu preperea.

Tute isi pravo te glasine bašo parlamenti te:

- sian švedikano državjani (dizari) hem te sian ja sian sine registririmo ki Švedia.

Tute isi pravo te glasine ki komuna – hem oblast te sian:

- švedikano državljani državljani ki disavi phuv soj členi ki Evropakiri unija ja državljani ko Island ja Norveška hem sian registririmo ki Švedia
- državljani ki disavi aver phuv hem sian sine uvedimo Švedia trin berš jek palo javer angleder e biribaskoro dive.

Tute so isi pravo glasibaske dobiea jek glasibaskiri karta

Tute so isi pravo glasibaske e poštaja ka dobiea jek glasibaskiri karta trin kurke angleder o biribe. Ki biribaskiri karta terdžola save biribaskere pravo isi tut, anav, adresa hem o vreme keda i phravdo tlo biribaskoro lokali. Ki biribaskiri karta isto isi informacie bašo o lokalia e anglevakeskere glasibaske. Te geljan te glasine angleder mora te le tuja tli glasibaskiri karta.

Te na ali tuke tli glasibaskiri karta ja te našaldžan ola šaj te poručine nevi ki komuna ja Biribaskoro organi

Biribaskere listia

E biribaskere listia bašo parlamenti i žuta, baše komunakoro biribia i parne a bašo oblasno biribe i plava. Biribaskere listia isi ko sa o thana odothe kori so šaj te glasine hem ko partie. Te glasindžan angleder ja pale te bičhalea javere te glasinel tuke, tegni šaj ka trebel te poručine ja pale te dža te le o biribaskere listia taro partie ja pale tari tli komuna.

Glasin partiake

Angleder sa tu glasinea jekhe partiake. E partiakoro anav isi ko biribaskoro listo. Te na arakhljan tle partiakoro biribaskoro listo, šaj te le jekh čučo listo hem odothe te pišine haljovde tle partiakoro anav.



Glasibe dženeske

Te mangljan te ovel džiko specijlno biromo taro e partiakere kandidatia, šaj odole manuške te de jekh glasiba dženeske odolea so čhivea jek krsto ki kocka anglal e kandidateskoro anav ko biribaskoro listo. Tu šaj te obeležine samo jekhe kandidateskoro anav.

Du mora te dokažine so tu sian tu

Kaj te šaj te glasine tu mora te sikave tlo identiteti Odolea so sikavea id-dokumenti, ko misal vozibaskiri dozvola ja pale pasoši. Te nane tut nisavo id-dokumenti šaj aver manuš te zorakerel tlo identiteti, ama odova manuš mora te sikavel jek id-dokumenti.

Glasibe

Glasin ko tlo izboreskoro lokali ko izboreskoro dive

Tu šaj te glasine samo ko odova glasibaskoro lokali so isi ko tlo glasibaskoro listo. O izboreskoro lokali i phravdo ko biribaskoro dive. Keda glasinea ko tlo glasibaskoro lokali čhivea pe nišani tlo anav ko glasibaskoro spisako hem tle glasia čhivenape ki glasibaskiri kutia.

Angevakteskoro glasiba ki tli komuna ja ki aver komuna

Angevakteskoro glasiba značinel so glasinea džigde averte nego ko tlo biribaskoro lokali. E angevakteskoro glasibe lela te ovel trin kurke angleder o biribaskoro dive hem kerela ovela sa dži ko biribaskoro dive.

Tu mora te le tuja tli glasibaskiri karta keda ka glasine angleder odoleske so upotrebinelape či tlo glaso te bičhavelpe ko tlo biribaskoro lokali. Odote računinelape tlo glaso.

Šaj te dobine informacie kote šaj te glasine angleder ko webbthan www.val.se ja tari tli komuna.

Glasin taro javera phuvja (stranstvo)

Ako sian ko avrutnipa šaj te glasine lilea ja te glasine ki jek švedikani ambasada hem konzulati. Či te šaj te glasine lilea trebela tuke materiala so šaj te poručine taro e Biribaskoro vlasti (organi). Tu šaj te glasine lilea 45 divesa angleder o biribaskoro dive, a te glasine ki ambasada hem konzulati šaj kerela pe 24 dive angleder o biribaskoro dive.

Disave manuša šaj te glasinen reprezentantea

Tu šaj te glasine reprezentanteate odoleske so sian but phuro, nasvalo, te isi tut funkciniribaskoro čhinašibe hem našti korkoro te dža ko tlo biribaskoro lokali ja ko glasibaskoro lokali. Tegani šaj tlo rom, romni ja sambo, tle romeskere, romnjakere ja samboskere čhave, unukija, daj-dad, ja pale phralja-phenja te oven tlo reprezentanti. Te isi džiko so profesionalno ja pale adžahar disar arakhela tut ja pale pomožinela tut odovada dženo šaj te ovel tlo reprezentanti. Isto šaj te glasine zastupnikoja te sian phanlo ja ko kazneno – popravno domi. Tegani šaj hem o personali te pomožinel tut. Te sian ki jek gavutnepoštarengiri linija šaj o poštari te ovel tlo reprezentanti. Te na pendžarea džikas so šaj te ovel tlo reprezentanti, tegani tli komuna šaj te bičhalel manuše khere ki tute kaske so vakerela pe glasibaskoro leari. Kontaktirin tle komuna. Či te šaj te glasine reprezentantea ka valjani tuke jek specijalno materiala so šaj te poručine tari i komuna ja Biribaskoro organi.